

樞垣記略

樞垣記略卷之八

恩敘三

嘉慶十五年二月十七日

諭此次京察屆期光祿寺漢少卿盧蔭溥在軍機章京上行走繕寫諭旨尙屬妥協節經派往外省查辦案件均無貽悞盧蔭溥著加恩交部議敘伊現在出差回京後吏部不必補行帶領引見

六月十九日本處奏原任顏料庫司庫軍機章京穆馨阿因上年王書常冒領廣儲司銀兩案初發覺臣等會同刑

部研審卽派穆馨阿隨同問供其冒領三庫銀兩物料一事係穆馨阿訊出端倪告知臣等始行澈底根究水落石出彼時因穆馨阿職係司庫又係伊任內之事例應迴避是以撤回後經被議革職今據呈稱年力強壯不甘閒居等因前來相應據情代奏可否

賞給差使之處出自

天恩謹奏奉

旨穆馨阿著加恩賞給三庫庫使

二十九日

諭軍機大臣承旨書諭自勦辦洋匪以來頗屬勤慎現在巨盜殄除洋面肅清亦宜加之恩獎慶桂董誥戴衢亨托津所有降革罰俸處分著加恩擇其較重者各予開復一次仍各賞給軍功加一級其軍機章京等並著軍機大臣分別等次奏明交部議敘

七月初四日覆奏臣等公同酌擬將平素差使較爲奮勉者列爲一等其餘行走勤慎者均列爲二等謹開具名單請

旨謹奏

擬列一等章京三員

盧蔭溥

姚祖同

何金

擬列二等章京十四員

戶部郎中糜奇瑜

禮部郎中熊方受 龔麗正

刑部郎中齊嘉紹 余需元

宗人府主事王厚慶

戶部主事胡枚 童槐

兵部主事康紹鏞

工部主事張之屏

禮部候補主事聶鏡敏

兵部候補主事程同文

內閣中書梁承福 王鳳翰

是日奉

旨軍機章京盧蔭溥姚祖同何金均著施恩加二級糜奇
瑜熊方受龔麗正齊嘉紹余霈元王厚慶胡枚童槐康紹

鋪張之屏聶鏡敏程同文梁承福王鳳翰均著施恩加一級

十月初九日本處奏滿洲章京戶部主事伊星阿在軍機處行走十有餘年熟諳清文差使勤慎該員係蒙古旗分人員應陞之蒙古員外郎缺分較少向來各部蒙古司官內有出色人員借陞滿洲缺俟蒙古缺出仍行補還成案臣戶部現出有廣東司滿洲員外郎一缺係屬題缺但伊星阿係本部主事合無仰懇

天恩將伊星阿陞補廣東司滿洲員外郎俟本部蒙古員

外郎缺出仍照例補還恭候

欽定奉

旨曹振鏞等奏戶部蒙古主事伊星阿陞補滿洲員外郎與例未符請交吏部核議一摺伊星阿陞補滿缺之處原屬與例不符若交吏部核議必行議駁但該員在軍機處行走有年辦事出力緣蒙古缺分本少陞遷無路是以前經軍機大臣慶桂等保奏並聲明各衙門蒙古司員均有借補滿缺之案所有現在戶部廣東司題缺滿洲員外郎著施恩准以伊星阿借補仍著該部帶領引見

十月二十一日本處奏竊查勦平三省邪匪方略一部臣等自嘉慶七年奏奉

諭旨敬謹纂輯現在全書四百卷告成除奉表恭進外伏思邪匪不靖始於嘉慶元年正月迨七年大局戡定又經八年九年兩次奏報然後肅清其一切善後事宜直至十年五六月閒方竣是書包括十年其閒軍營奏報隔數日一至或一日數至簡牘繁多刪節所存今尙不可紀數我

皇上宵衣旰食指示機宜

明燭於數千里之外而

裁決於不移晷之間前後

詔旨凡數千道無一日不

勤籌筆無一日不關

睿謨蓋上以纘

高宗純皇帝未竟之志奠我大清萬年丕丕基俾天下

臣民同享太平者胥於是乎在臣等敬謹纂輯不敢率忽

數年陸續進呈仰蒙

幾餘觀覽隨時

指示更正幸免舛訛茲獲告成查從前乾隆年間兩金川方略告成係照準噶爾方略告成之例蒙

恩將在館人員給予優敘在案惟是前兩部方略皆祇百數十卷此次方略多至倍餘所有在館人員實皆奮勉出力可否量加從優示之鼓勵如蒙

俞允除臣等不敢仰邀議敘又章煦錢楷於正編告成時業經仰邀

恩敘外其現在總纂及提調收掌纂修校對譯漢官謄錄供事人等臣等謹擇其始終承辦並格外出力者數員另

繕清單恭呈

御覽其餘人員臣等核其在館年月及平日差使分別等第造冊咨部其膳錄供事應如何過班銓選及照國史館膳錄供事給予分發之處均註明冊內統歸吏部核辦仍照例酌留熟手趕辦畫一另繕副本請交武英殿開雕尅期妥辦其從前開館時奏請添派之纂修膳錄各員屆時分別酌撤謹奏

總纂兵部郎中姚祖同

該員先充纂修提調又接辦總纂數年前後纂書二

百餘卷始終其事前因軍機處行走勤慎是以俸滿
截取及兩次 京察一等

記名時俱經臣等具奏在案查郎中應陞之缺如內閣侍
讀學士鴻臚寺少卿卽係四五品京堂至此外各京
堂不皆開列從前章煦錢楷均係奉

特旨遇有四五品京堂缺出提奏臣等未敢奏請理合聲
明請

旨

幫辦總纂內閣侍讀何金

該員充當提調纂修近來復幫辦總纂始終其事該員在軍機處行走多年實爲奮勉兩次京察一等記名經臣具奏在案向來內閣侍讀與各部員外郎較俸不過二三年卽選郎中近來班次擁擠該員俸已八年現在甫將選補查從前文孚係由員外郎蒙恩以四五品京堂提奏臣等未敢躡等奏請可否俟其選補郎中後量加升擢之處理合聲明

譯漢官兼纂修理藩院司務克精額

該員在館三十餘年從前金川方略告成卽曾得過

議敘現在當差奮勉查該員係

記名撫民通判名次略後可否請

旨先行選用

是日奉

旨慶桂等奏纂輯剿平三省邪匪方略四百卷告成奉表
恭進一摺剿捕邪匪一事始於嘉慶元年迨七年大局戡
定之後搜捕零匪經理善後至十年始克辦竣朕續承
先緒籌筆孜孜宵旰敬誠克臻完善一切機宜運畫允宜
垂示一編慶桂等奉命纂辦數年來率同在館人員陸續

繕輯呈進朕隨時披覽親加裁定前後卷帙繁多尙爲詳
悉賅備所有大小出力各員自當普加優獎慶桂等摺內
雖自稱不敢仰邀議敘仍應特沛恩施慶桂任內並無應
行開復處分著加恩賞給加一級紀錄二次董誥任內有
未經究出劉貴兒等夥竊謀命一案降一級留任處分著
加恩開復仍賞給加一級戴衢亨任內有失察書吏冒領
三庫銀物一案降一級留任處分著加恩開復仍賞給加
一級托津任內有失察書吏冒領三庫銀物及未能究出
劉貴兒等夥竊謀命降一級留任二案處分均著加恩開

復總纂兵部郎中姚祖同幫辦總纂內閣侍讀何金在軍機章京上行走均已年小小心奮勉茲承辦方略尙屬詳慎姚祖同著加恩以四五品京堂陞用交軍機處存記遇有缺出於本內夾單提奏何金著加恩俟補授郎中後以四五品京堂陞用交軍機處存記遇有缺出於本內夾單提奏伊二人均仍著交部議敘譯漢官克精額在館年久該員係記名撫民通判著加恩先予選用其餘在館各員均著加恩賞給優敘其摺內所請將謄錄供事過班銓選及給予分發送部核辦之處均著照所請行

十六年 月 日

諭此次呈進詩冊籍隸山西現在隨圍之軍機章京康紹
鏞張之屏王鳳翰著加恩各賞給五絲綬二件

十七年四月初十日奉處奏查軍機處行走滿漢章京各
員自嘉慶十四年三月保奏之後已逾三年臣等留心察
看擇其行走勤慎者數員公同酌擬查兵部候補主事珠
滿係應得蒙古主事之缺惟該部僅止一缺需次無期請
酌調臣慶桂所管缺分較多之理藩院行走遇有題選缺
出卽行坐補刑部筆帖式誠安理藩院筆帖式昌熾均請

以本衙門主事陞用遇有滿洲蒙古題選缺出卽行坐補
昌熾俟服闋後再行實授內閣滿洲學習中書企善請俟
出有中書實缺不論旗分准其奏補又宗人府主事王厚
慶該員例與各部主事一體推陞員外郎請卽以應陞之
員外郎陞用並循照舊案將該員掣分臣等所管戶刑二
部行走遇有題選缺出奏補又吏部候補主事趙盛奎刑
部候補主事秦繩曾均請列於該部應補各項人員之前
遇有題選缺出卽行奏補謹奏奉

旨依議

十八年十二月十三日

旨軍機章京著軍機大臣查明尤爲出力者保舉數員交部從優議敘其餘各員並著交部議敘

十七日本處奏臣等公同查得軍機處行走滿漢章京鴻臚寺少卿康紹鏞兵部郎中程同文內閣侍讀重倫禮部主事王鳳翰起居注主事吳書城吏部候補主事趙盛奎戶部候補主事張允垂工部庫使穆馨阿八員尤爲勤奮出力謹據實保奏請將康紹鏞程同文重倫王鳳翰吳書城穆馨阿六員從優議敘趙盛奎一員前經臣等于循

例甄別案內保奏儘先補用該員因吏部另案降調今已捐復可否仍照臣等原奏給還儘先補用免其試俸又張允垂一員尙未得缺並請遇有本部缺出儘先補用此二員無庸另給議敘其餘滿漢各員均遵

旨交部議敘謹奏奉

旨依議

又

旨盧蔭溥桂芳俱著在紫禁城內騎馬

十九年二月三十日

諭自上年九月內逆匪林清勾結豫東教匪聚衆謀逆剿辦甫竣其時南山匪徒因陝省兵將征調遠出乘虛劫掠復派凱撤官兵分路剿除現已一律肅清軍務全行報載軍機大臣贊勦樞務夙夜勤勞宜沛恩施以昭優獎董誥之子候補員外郎董淳著加恩以郎中用托津之子乾清門二等侍衛恆齡著賞給頭等侍衛仍在乾清門行走盧蔭溥之子監生盧本著賞給舉人准其一體會試桂芳之子監生炳奎著賞給七品小京官所有軍機章京著軍機大臣擇其尤爲出力者保奏數員再予甄敘

閏二月初七日覆奏臣等查得內閣侍讀學士姚祖同刑部郎中王厚慶刑部主事秦繩曾理藩院候補主事昌熾起居注主事吳書城工部庫使穆馨阿均尤爲出力相應據實保奏姚祖同王厚慶秦繩曾昌熾四員請

旨交部議敘其吳書城穆馨阿二員兼自上年承審逆案數月以來奮勉不懈吳書城係起居注主事可否准其掣調臣等所管戶刑二部行走遇有題選缺出補用穆馨阿從前本係內閣中書因調管顏料庫司庫失察書吏冒領庫物革職係本案由該員自行審出奏蒙

賞給庫使仍在軍機處行走可否將該員開復內閣中書
遇缺卽補出自

天恩謹奏奉

旨依議

二十年四月二十二日本處奏軍機處行走滿漢章京各
員自嘉慶十七年四月初十日保奏之後已逾三年臣等
留心察看於各章京內擇其行走勤奮者數員公同酌擬
查滿章京內候補中書穆馨阿係由實缺中書緣事革職
賞給庫使上年二月經臣等以該員審辦逆案出力奏請

開復中書奉

旨允准在案但該員應按本旗本堂缺出頂補尙需時日請將該員不論旗分滿漢本堂中書缺出卽行補用將來遇本旗本堂缺出再行照例調還刑部筆帖式桂凝請以本衙門主事陞用遇有題選主事缺出卽行奏補又查漢章京內工部候補主事徐鏞吳孝銘二員均請列於該部應補人員之前遇有題選主事缺出卽行奏補刑部額外主事楊振麟係由小京官六年俸滿經該部照例奏准作爲額外主事該員在額外行走已逾兩年應請俟照例扣

足三年期滿後遇有本衙門題選主事缺出儘先補用謹
奏奉

旨依議

二十一年正月初八日

旨軍機章京兵部郎中程同文著吏部暫停銓選

七月十九日

旨托津盧蔭溥著賞穿綠牙縫靴嗣後軍機大臣俱准穿
綠牙縫靴著軍機處存記

二十三年六月十二日本處奏軍機處滿漢章京自嘉慶

二十年四月保奏之後已逾三年臣等留心察看擇其行走勤奮者公同酌擬查滿章京內閣中書穆馨阿係應陞內閣侍讀之員請以內閣侍讀升用遇缺卽行奏補兵部筆帖式那丹珠工部筆帖式瑞慶係應陞主事之員請各以本部主事升用遇有題選缺出卽行奏補工部候補筆帖式桂芬係蒙古人員本衙門蒙古額缺較少請調理藩院筆帖式遇有滿蒙缺出卽行奏補又查禮部候補主事程裔采兵部候補主事徐受莖均請列於該部候補人員之前遇有題選缺出卽行奏補主事何增元係由主事緣

事降調捐復原官仍在原衙門候補請以本部主事無論
咨留缺出先行奏補免其試俸謹奏奉

旨依議

九月初三日

諭朕此次恭謁

祖陵大禮慶成軍機大臣隨扈以來承旨書諭悉臻妥協
著加恩各加二級如舊有降留處分在降三級以下者准
以所加之級抵降二級

二十四年正月初一日

諭朕本年六旬萬壽業經頒發恩詔普惠臣民比年歲

時和河流順軌中外同慶乂安左右近臣允宜再加恩澤

托津襄贊樞廷多年辦事老成承旨書諭綜理部旗事務

從無貽誤卽偶有小愆亦係尋常事件著加恩賞戴雙眼

花翎並賞用紫韁戴均元任內舊有處分四案不予寬免

外其餘革職留任一案降級留任一案罰俸十二案俱著

加恩開復盧蔭溥任內舊有處分一案不予寬免外其餘

降級留任三案俱著加恩開復和甯任內舊有處分五案

不予寬免外其餘革職留任二案降級留任三案罰俸二

十一案俱著加恩開復用示朕履端行慶優獎勤勞至意
二十四日

諭大學士托津在軍機處夙夜宣勤協辦大學士吏部尙
書戴均元辦事妥協人亦敢言戶部尙書盧蔭溥承旨書
諭夙夜慎勤俱著加恩交部議敘

二月二十日

諭各衙門緊要之地因辦公起見原准其將熟練人員暫
行奏留但此事務須核實期於公事有裨仍應酌予限制
雖不必定以年月俟接辦有人時該堂官仍隨時查明將

該員歸入原班陞轉不致人才久滯轉遏其登進之階軍機章京程同文前經軍機大臣奏留暫停銓選其京察記名道府及截取記名知府兩單內均著停其開列仍察看隨時具奏

道光元年六月十五日本處奏軍機處行走滿漢章京白嘉慶二十三年六月保奏之後已逾三年臣等留心察看擇其行走勤慎者數員公同酌擬查內閣帖寫中書布延栢勒格前經中式繙譯進士以主事卽用該員係蒙古人員應選蒙古主事之缺銓補需時應請酌調缺分較多之

理藩院行走遇有題選缺出卽行坐補戶部候補主事阿達順亦係應補蒙古主事之員該部僅止一缺需次較難應請遇有本部滿洲蒙古題選缺出卽行坐補理藩院筆帖式桂芬應請以本衙門主事陞用遇有滿洲蒙古題選缺出卽行坐補又宗人府主事李昌平禮部主事梁章鉅均係應陞員外郎之員均請作爲候補員外郎李昌平循照舊案掣分臣等所管戶刑二部行走遇有題選缺出卽行奏補梁章鉅遇有禮部題選缺出卽行奏補刑部額外主事錢廷熊係由小京官六年俸滿經該部奏准作爲額

外主事該員在額外行走尙未報滿應請俟照例扣足三年期滿後遇有本衙門題選缺出先儘補用謹奏奉

旨依議

十月初七日

諭程同文著以四五品京堂候補仍在軍機章京上行走
二年正月二十五日

諭大學士曹振鏞戶部尙書黃鉞辦理部務本屬妥協又
自簡任軍機大臣以來敬共所事實力劬勩禮部尙書文
孚在軍機處行走有年小心勤慎克盡厥職吏部尙書盧

蔭溥在軍機處行走多年恪恭匪懈前因管理吏部順天府需人特旨調用亦能盡心俱著加恩交部議敘

樞垣記略卷之八

樞垣記略卷之九

恩敘四

道光二年二月十六日本處奏此次辦理漢字檔冊派出軍機章京吏部員外郎陳彬內閣中書喬用遷總司校對頗爲詳慎應請量予鼓勵懇

恩准令陳彬銷去試俸喬用遷遇有題選缺出卽行奏補謹奏奉

旨陳彬著准銷試俸喬用遷著遇有該衙門題選缺出卽行奏補

六月初一日

旨圓明園娘娘廟住房一所著賞給松筠居住

三年九月初四日

旨成郡王載銳恭繳熱河下處一所著賞給軍機大臣作爲公所

十二月十七日本處奏臣等於本年七月間恭進遼金二史正本並將趕辦元史緣由奏明在案今據該館提調等稟稱元史業經繕校完竣恭繕正本進呈計二百十卷裝成二十套其中地名人官名悉遵

欽定元史語解悉心校對俟

發下時臣等卽督同該館提調等詳校副本交 武英殿
刊刻臣等恭讀

欽定遼史語解金史語解元史語解間有前後兩歧小註
不全及重複等處督率提調纂修等官敬謹恭繕一分裝
成八套進呈俟

發下時一併恭送 武英殿修飾完善將來卽冠於三史
之首

頒列學宮傳之久遠臣等不敢仰邀議敘其校書各員均

屬詳慎戶部候補主事俞誦芬尤爲出力應請遇有該部題選主事缺出卽行充補所有總校分校謄錄譯漢各員及供事等臣等核其在館功課分別等第造冊咨送吏部照例優敘謹奏奉

旨依議

四年四月十六日本處奏軍機處行走滿漢章京自道光元年六月保奏之後已逾三年臣等留心察看擇其行走勤慎者數員公同酌擬內閣帖寫中書福英阿應請遇有滿漢本堂中書缺出不計旗分卽行坐補戶部主事阿達

順烏爾恭額均請作爲候補員外郎阿達順係蒙古人員
戶部蒙古員外郎僅止一缺需次無期應請遇有本部滿
洲蒙古員外郎題選缺出卽行坐補烏爾恭額應請遇有
本部員外郎缺出不論題選卽行坐補刑部員外郎何增
元應請遇有本衙門郎中缺出毋論咨留卽行升補仍不
積咨留之缺刑部候補主事馬光瀾應請遇有主事缺出
毋論咨留卽行奏補刑部額外主事蔡勳係由小京官六
年俸滿作爲額外主事該員在額外行走尙未報滿應請
俟照例扣足三年期滿後遇有本衙門主事缺出毋論咨

留卽行奏補謹奏奉

旨依議

五年正月二十三日

諭大學士曹振鏞吏部尙書文孚戶部尙書黃鉞管理部
務均臻妥善而承書諭旨獻替劬勩尤爲出力協辦大學
士戶部尙書英和管理部旗諸務俱能盡職俱著交部議
敘

六年七月十九日

諭吏部郎中截取知府趙盛奎著以四品京堂用停其銓

選

七年三月十四日本處奏此次辦理漢字檔冊派出軍機章京內閣候補中書朱達吉兵部候補主事周濤總司校對頗爲詳慎應請量予鼓勵懇

恩准令朱達吉遇有該衙門題選缺出卽行奏補免其試俸周濤遇有該部題選缺出儘先補用謹奏奉

旨朱達吉著遇有該衙門題選缺出卽行奏補免其試俸周濤著遇有該部題選缺出儘先補用

七月十七日本處奏軍機處行走滿漢章京自道光四年

七月保奏之後已逾三年臣等留心察看擇其行走勤慎者數員公同酌擬內閣中書岳齡係蒙古人員升途較難應請作爲候補主事酌調缺分較多之理藩院行走遇有滿洲蒙古題選主事缺出卽行坐補戶部候補主事文明請遇有本部題選主事缺出卽行坐補理藩院筆帖式賽尙阿請作爲候補主事遇有本衙門滿洲蒙古題選主事缺出卽行坐補內閣中書張祥河龍汝言請以六部主事升用由臣等分掣所管吏戶兵工四部行走遇有各本衙門題選主事缺出卽行坐補戶部主事俞誦芬請作爲候

補員外郎遇有題選缺出卽行奏補謹奏奉

旨依議

八年正月二十五日

諭自道光六年喀什噶爾用兵以來軍機大臣曹振鏞等
佐朕運籌軍務夙夜勤勞承書諭旨鉅細無遺去歲因四
城雖復首逆未獲曾經稍示恩榮朕意未愜茲元兇生獲
紅旗報捷軍機大臣等尤當再沛恩施用昭獎勸大學士
曹振鏞著晉加太傅銜賞用紫韁吏部尙書文孚著晉加
太子太傅銜賞用紫韁戶部尙書王鼎著賞戴花翎兵部

尙書玉麟著晉加太子太保銜工部尙書穆彰阿著晉加太子少保銜卽在軍機大臣上行走仍俱著照軍功交部議敘其滿漢軍機章京等著軍機大臣編列一二三等候旨施恩

二十七日

諭昨降旨令軍機大臣將滿漢軍機章京等編列等次候旨施恩茲據分別開單具奏其擬列一等六員內除趙盛奎已有花翎外四品銜光祿寺少卿吳孝銘戶部郎中阿達順俱著加恩賞戴花翎候補四品京堂趙盛奎刑部郎

中何增元吏部員外郎平慶理藩院主事賽尙阿俱著加
恩交部照軍功例從優議敘其擬列二等之滿洲章京戶
部郎中成貴內閣侍讀福英阿戶部候補主事文明理藩
院主事岳齡內閣中書英桂刑部筆帖式玉崑理藩院筆
帖式松林兵部員外郎達興阿戶部主事春和內閣候補
中書文俊工部候補主事惠麟兵部候補主事文丕漢章
京刑部員外郎孫蘭枝刑部郎中錢廷熊刑部員外郎馬
光瀾戶部員外郎俞誦芬工部員外郎傅繩勳內閣中書
朱達吉戶部主事張祥河兵部候補主事龍汝言兵部主

事周濤內閣中書汪元爵刑部候補主事徐思荃俱著加恩交部照軍功例議敘其行走資淺擬列三等之滿洲章京理藩院候補筆帖式熙成工部筆帖式桂德漢章京內閣候補中書方銘彝工部候補主事鄭喬林吏部候補主事許球俱著加恩各賞大緞一疋由廣儲司給發

九年九月二十六日

諭朕恭謁

祖陵大禮慶成軍機大臣俱著加恩賞加二級如舊有降級留任處分在降三級以下者准以所加之級抵降二級

十月二十五日

諭大學士曹振鏞年逾七旬著於該管衙門應行帶領引見之日俱免其帶領以示體恤著臣至意

十年七月初九日本處奏竊查平定回疆剿擒逆裔方略一書臣等自道光八年二月奉

旨詳加纂輯共成全書八十卷除奉表恭進外伏思逆裔不靖於嘉慶二十五年八月在卡外窺伺迨道光六年六月竟敢勾結回衆入卡滋擾竊據四城雖大兵進剿未逾月而迅卽克復比及逆酋授首經理善後又越年餘始行

歲事此數年中軍報絡繹簡牘繁多刪節所存尙復褻然成帙我

皇上宵旰籌筆

指授機宜前後

詔旨凡數百道悉皆仰勞

聖慮裁決精詳臣等奉

命纂輯不敢率忽數月以來陸續恭繕進呈荷蒙

幾餘披覽隨時

指示更正茲已全書告成裝潢正本陳設本各一分呈

覽仍祈

發下正本一分交方略館敬謹存儲此次在館人員編纂
詳校實皆奮勉出力除臣等不敢仰邀議敘總纂兼提調
官光祿寺卿趙盛奎現係京堂亦不敢仰邀議敘外其始
終尤爲出力之理藩院筆帖式松林等仰懇

天恩分別從優獎勵其餘總纂提調收掌纂修協修校對
譯漢等官及謄錄供事人等臣等覈其在館年分功課及
平日差使分別等第造冊咨部其謄錄供事應如何過班
銓選均查照成案於冊內註明統歸吏部覈辦謹奏

是日

諭曹振鏞等奏纂辦平定回疆剿擒逆裔方略告成奉表
恭進一摺前此回疆軍興自逆裔滋事以及元兇授首經
理善後一切機宜運畫允宜垂示一編曹振鏞等奉命纂
輯率同在館人員陸續繕呈朕隨時披覽尙爲詳悉賅備
現已全書告成請將在館人員分別甄敘除曹振鏞等自
稱不敢仰邀議敘外總纂兼提調官光祿寺卿趙盛奎雖
據曹振鏞等奏稱伊現係京堂不敢仰邀議敘惟該員總
司編輯亦有微勞仍著加恩交部議敘理藩院筆帖式松

林內閣貼寫中書文俊刑部主事蔡勳刑部候補主事徐思荃吏部候補主事許球工部候補主事何汝霖戶部主事張祥河內閣中書朱達吉汪元爵此次在館或總司校讐或分司編纂尤爲奮勉出力應各加以獎勵松林著作爲候補主事遇有理藩院滿洲蒙古題選主事缺出不論咨留卽行奏補文俊著遇有滿漢本堂中書缺出不計旗分卽行坐補蔡勳張祥河俱著作爲候補員外郎遇有各該部題選咨留缺出卽行奏補徐思荃許球何汝霖俱著遇有各該部題選咨留主事缺出卽行奏補朱達吉汪元

爵准銷去試俸俱著以主事升用分掣戶刑兩部行走遇有各該部題選咨留主事缺出卽行奏補其餘在館各員及膳錄供事等著加恩賞給優敘

八月十六日本處奏軍機處行走滿漢章京自道光七年七月保奏之後已逾三年臣等留心察看擇其行走勤慎者數員公同酌擬應請將理藩院員外郎賽尙阿遇有該衙門滿洲蒙古題選咨留郎中缺出卽行升補內閣中書英桂請以侍讀升用遇有缺出卽行奏補工部候補主事惠麟係蒙古人員該部額缺較少需次無期請調理藩院

行走遇有該衙門滿洲蒙古題選咨留缺出卽行奏補理藩院貼寫筆帖式熙成請遇有該衙門滿洲蒙古筆帖式缺出不計旗分卽行奏補內閣中書方銘彝請銷去試俸以主事升用由臣等分掣缺分較多之戶刑兩部行走遇有該部題選咨留主事缺出卽行奏補工部候補主事鄭喬林禮部候補主事王藻遇有各該部題選咨留主事缺出卽行奏補謹奏奉

旨依議

十一年正月二十二日

諭大學士曹振鏞吏部尙書文孚戶部尙書王鼎工部尙書穆彰阿久任軍機大臣贊襄勤慎承旨詳明俱著加恩交部議敘

五月初四日

諭曹振鏞長子戶部郎中曹恩汴原得一品廕生著加恩給予曹振鏞次子曹恩澐承廕以示體恤

十二年正月初九日本處奏平定回疆剿擒逆裔方略一書於道光十年七月間成書八十卷交 武英殿刊刻仍由方略館校勘聲明如果詳慎無訛臣等查照成案再行

奏請鼓勦在案現據 武英殿知照將校勘全書刷印進
呈所有總司校勘之中書現任 起居注主事顧英等自
道光八年到館以來悉心校讐尙屬始終奮勉茲居全書
完竣 臣等查照例案酌請甄敘應請將內閣中書現任
起居注主事顧英以六部主事調補聽候吏部籤掣部分
遇缺卽補候補中書吳葆晉彭蘊章徐埴梁逢辰應請各
按吏部原掣名次遇有選缺中書缺出俟正班到班時先
用此項議敘一人次用正班一人再總校候補中書顏以
燠一員前次總校副本完竣卽經揚威將軍大學士公長

齡帶往喀什噶爾辦理善後事宜上年長齡保奏出力已
奉

旨儘先補用此次應請交部照例議敘謹奏奉

旨依議

二月二十一日奉處奏此次辦理漢字檔冊派出軍機章
京工部候補員外郎徐璣禮部候補主事湯鵬總司校對
頗爲詳慎應請量予鼓勵懇

恩准令徐璣遇有本部題選員外郎缺出儘先補用並免
試俸湯鵬遇有本部主事缺出無論題選咨留儘先補用

謹奏奉

旨徐堪著遇有本部題選員外郎缺出儘先補用並免其
試俸湯鵬著遇有本部主事缺出無論題選咨留儘先補
用

九月初九日本處奏軍機處行走滿漢章京自道光十年
八月保奏之後已逾三年臣等留心察看擇其行走勤慎
者數員公同酌擬內閣中書文俊請作爲候補侍讀該員
現在丁憂俟服闋後遇有侍讀缺出卽行奏補內閣學習
中書音德賀請遇有滿漢本堂實缺中書缺出不計旗分

卽行奏補工部筆帖式桂德請作爲候補主事遇有該衙門題選咨留主事缺出卽行奏補理藩院候補主事熙成請遇有該衙門滿洲蒙古題選咨留主事缺出卽行奏補補缺後並免試俸戶部主事萬貢珍請作爲候補員外郎遇有戶部題選咨留員外郎缺出卽行奏補禮部候補主事湯鵬上年經方略館議敘儘先補用惟禮部缺少該員候補二年尙未得缺請循照舊案掣分臣等所管缺分較多之戶刑二部遇有該部題選咨留主事缺出卽行奏補兵部候補郎中王廣業請遇有本部題選咨留郎中缺出

卽行奏補並免試俸刑部候補主事程庭桂請遇有本部
咨留主事缺出卽行奏補謹奏奉

旨依議

十四年正月初一日

諭大學士曹振鏞由乾隆年間供職詞垣嘉慶年間洊擢
至大學士朕御極之初簡授軍機大臣承旨詳明倍加勤
慎歷事

三朝爲朕股肱心膂之臣念其夙夜趨公宣勤佐治允宜
特沛殊恩以節勞勩曹振鏞著加恩在紫禁城內乘坐車

轎用示朕優禮耆臣至意

二十二日

諭大學士曹振鏞久任軍機克勤克敬年登八秩精力如常協辦大學士文孚戶部尚書穆彰阿王鼎承旨精詳劄勸是賴俱著加恩交部議敘

十月十三日

諭大學士曹振鏞由乾隆年間供職詞垣嘉慶年間洊擢至大學士朕親政之初簡授軍機大臣久贊綸扉倍加勤慎現在年登八秩精神強固朕心實深嘉悅允宜特沛殊

恩以昭懋眷伊孫曹紹櫛著加恩賞給舉人准其一體會
試用示朕篤祐耆臣有加無已之至意

十二月十九日本處奏此次承辦清檔臣等派軍機章京
內閣中書英幹理藩院筆帖式瑞春校對頗爲詳慎應請
量予鼓勵英幹請遇有滿漢本堂實缺中書缺出不計旗
分卽行奏補惟該員現在丁憂應俟服闋後遇缺卽補瑞
春前因

實錄全書告成經部議補缺後作爲額外主事該員補缺
無期請遇有該衙門滿洲蒙古筆帖式缺出不計旗分卽

行奏補並免額外主事試俸謹奏奉

旨依議

十六年正月十七日

諭軍機章京工部郎中何汝霖著加恩遇有郎中應升之
京堂缺出吏部一體開列請旨其郎中任內京察一等著
卽註銷

謹按十五年九月二十二日本處奏軍機章京工部郎
中何汝霖前經俸滿截取繁缺知府現復

記名御史該員在軍機處行走多年於一切事務尙爲熟

悉懇請內用仍留軍機處辦事以資熟手奉

旨依議

九月十一日本處奏軍機處行走滿漢章京白道光十三年九月保奏之後已逾三年臣等留心察看擇其行走勤慎者數員公同酌擬內閣中書音德賀請作爲候補侍讀遇有侍讀缺出卽行奏補戶部筆帖式福連請作爲候補主事該員現未滿服俟服闋後遇有本部題選咨留主事缺出卽行奏補理藩院主事熙成請作爲候補員外郎遇有理藩院滿洲蒙古題選咨留員外郎缺出卽行奏補理

藩院學習筆帖式瑞春請遇有該衙門滿洲蒙古筆帖式
缺出不計旗分卽行奏補刑部主事方銘彝請作爲候補
員外郎遇有本部題選咨留員外郎缺出卽行奏補吏部
候補主事陳孚恩請遇有本部題選咨留主事缺出卽行
奏補刑部候補主事江紹禧請遇有本部題選咨留主事
缺出卽行奏補工部額外主事彭蘊章在額外行走尙未
報滿應請俟照例扣足三年期滿後遇有本部題選咨留
主事缺出卽行奏補謹奏奉

旨依議

十七年正月初一日

諭大學士潘世恩著賞加太子太保銜

二十二日

諭大學士潘世恩穆彰阿協辦大學士王鼎克勤克敬不
愧贊襄俱著加恩交部議敘

二月二十一日本處奏此次辦理漢字檔冊派出軍機章
京工部候補主事朱應元兵部候補主事劉晟昌總司校
對頗爲詳慎應請量予鼓勵朱應元劉晟昌懇

恩准令遇有本部主事缺出無論題選咨留儘先補用謹

奏奉

旨朱應元劉最昌均著遇有本部主事缺出無論題選咨留儘先補用

十一月初九日

諭都察院左都御史奎照著加恩在紫禁城內騎馬

十八年八月二十三日

諭大學士穆彰阿在內廷宣力有年現丁母憂著加恩賞給廣儲司銀五百兩經理喪事

十二月十八日本處奏此次辦理清字檔案臣等派軍機

章京戶部筆帖式恩符理藩院筆帖式齡椿總司校對頗爲詳愼應請量予鼓勵懇

恩准令恩符齡椿均作爲候補主事遇有該衙門滿洲蒙古題選主事缺出卽行奏補謹奏奉

旨恩符齡椿均著作爲候補主事遇有該衙門滿洲蒙古題選主事缺出卽行奏補

二十一日

諭大學士潘世恩在內廷宣力有年端方勤愼遇事細心現居七旬精神強固著加恩賞戴花翎以示優眷

樞垣記略卷之九